



Inatsisartunut ilaasortaq
Jens NapātōK', Partii Naleraq
Maani/

§ 37 nr. 343-mut Sirius Patrulje-kut Nunatta Kangiata Avannaarsuani uumasunik takusaminnik nalunaarsuisarnerat

Sirius Patrulje-kut Nunatta Kangiata Avannaarsuani uumasunik takusaminnik nalunaarsuisarnerat pillugu inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Suliassa qarfigisannit akineqartussanngorlugit innersuunneqarput.

1-mut) Naalakkersuisut paasissutissanik pissarsinissaminnut periarfissaqarpat, Sirius patruljep piniakkanik takusartagaannut taamatullu nalunaarsugaannut?

Akissut:

Aalisarnermut, Piniarnermut Nunalerinermullu Naalakkersuisoqarfik (APNN) Arktisk Kommando, taassumalu ataani Sirius Patrulje kissaate qarfigisimavai illuutimi sanaartukkallu allat eqqaannut nannut pisut nalunaarutigeqqusarlugit, Arktisk Kommando-p Nunatsinni, taassumalu ataani Tunumi suliffigisartagaanni.

Arktisk Kommando allallu siunertamut immersugassanik immersoriikkanik APNN-imut nassitsisarput sanaartukkat illuutilluunniit eqqaannut qanittumut nannut pigaangata. Aamma taamaappoq silasiorfiit ilisimatusarfiillu Nunatsinniittut tamaasa. Immersugassaq tassaavoq APNN-ip suliarisimasaa tamanit ator neqartartoq, s.a. savaatilinniit imaluunniit allanit nannunik inoqarfinnut qaninngortunut inoqarfinnullu pisut pillugit nalunaarusiornikkut.

Taamaattumik uani pineqanngillat uumasunik piniakkanik alapernaarsuineq, taamaattorli nannunik naammattuukkanik takusanillu pineqartuni nalunaaruteqartarneq.

Sirius Patruljep ukiut tamaasa tunniuttarpaa Excel ark, alapernaarsuinerminni uumasut takusimasatik naammattuukkatillu, ilanngullugit piffisaq aamma sumi. Kissaatigineqassagaluarpata pineqartut tunniunneqarsinnaapput. APNN-inili isumaqarpoq kisitsisit uumasogatigiit assigiinngitsut amerlassusaannik ersiutitut ator neqarsinnaanngitsut.

Sirius Patruljep nammineq suliassai Arktisk Kommando-miit pisarpai aamma APNN-imiit piumasaqaataanngilaq piniarneqarsinnaasunik uumasunik nalunaarsuisussaataaneq, taamaattumik nammineq piumassuseq atorlugu Excel ark-ikkut nalunaarsuineq ingerlanneqarpoq. APNN inatsisitigut tunngavissaqanngilaq Sirius uumasunik piniarneqarsinnaasunik nalunaarsuitissallugu.

Dato: 18-11-2019
Sags nr.: 2019 - 24153
Akt. nr.: 12049415

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Aamma APNN-ip Sirius Patrulje-mi sulisut immikkut akuersinikkut sunngiffimmi piniarsinnaanermut allagartamik tunisarpaat taamaallaallu puisinik, aqissinik aamma teriannianik kiisalu malittarisassat atuuttut malillugit aalisarsinnaallutik nammineq atugassanik.

Ukiut tamaasa pineqartut saniatigut APNN-ip immikkut akuersissut umimmannik 1-2-nik pisaqarsinnaanermut periarfissaq tunniuttarpaa Sirius Patruljemi inuttanik ilinniartitsinermut atugassaanik. Immikkut akuersineq tunniunneqartarpoq oqartussaasut allat attuumassuteqartut tusarniareernerisigut.

Sunngiffimmi piniarsinnaanermut allagartaq aqutigalugu pisat aamma immikkut akuersisoqarluni umimmattassat Sirius Patruljemi sulisut qimmillu nerisarpaat.

Allatuulli Nunatsinni tamani sunngiffimmi piniarsinnaanermut allagartallit imaluunniit inuussutissarsiutigalugu piniarsinnaanermut allagartallit assigalugit Sirius Patruljemut piumasaqaataavoq Piniarneq aqutigalugu pisanik nalunaartussaataaneq.

2-mut) Taamaasinnaappat, Naalakkersuisut paasissutissat taamaattut Inatsisartunut tunniussinnaavai?

Akissut:

Ilisimatitsissutigisinnaavara APNN ukiuni 2015-2019 Arktisk Kommando-miit tigusimavai immersugassat immersorneqarsimasut 180-t missaanniittut nannut ajornartorsiutaasut pillugit.


Nannut ajornartorsiutaasut pillugit Sirius Patruljep allallu alapernaarsorsimasaat Nunatta Tunuata Avannaani tikkuussisinnaanngillat nannut qanoq Tunumi amerlatiginersut. Aammattaaq Sirius Patruljemiit pisaasimasunut nalunaarutit tiguneqarsimasut puisit, aqissit imal. terianniat Nunatta Tunuata Avannaani uumasut qassiunerinik takutisisinnaanngillat, pisaasartut annikitsuarsuummata. Aamma akissut nr. 1-miittoq takuuk.

3-mut) Taamaassinnaanngippat, qanoq iliornikkut taasissutissat taamaattut pissarsiarineqarsinnaappat?

Akissuteqaat:

1-mut aamma 2-mut akissuteqaat takuuk.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalakkersuisoq